



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ. 010512953, էլ. փոստ patrol-service@police.am

N 91/2381

21 > 02 2022թ.

Հ. Լևոն Սրապյանին

✓ Պատճեն՝ Արսեն Սրապյանին

Հասցե՝ Ավան Առինջ Խ. Արուսյան թղմ. 8 փ. 12 տ.

Ուղարկում եմ ՀՀ ոստիկանության պարեկային ծառայության իրավաբանական բաժանմունքում վարչական մարմնի նախաձեռնությամբ հարուցված վարչական բողոքարկման վարույթի արդյունքում կայացված <<Թիվ 8180059330 և 8180059325 որոշումներն անվավեր ճանաչելու մասին>> որոշման օրինակը:

Առիթ՝ <<3> բնութից

Հարգանքով՝

Պետ, ոստիկանության գնդապետ՝

Ա. ՌԻՍԻՆԶՅԱՆ

Կատարող՝ Ն. Քոչարյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 30.11.2021թ. կայացված թիվ 8180059330 և թիվ 8180059325 որոշումներն անվավեր ճանաչելու մասին

18.02.2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի հիմքով, վերանայելով 30.11.2021թ. կայացված թիվ 8180059330 և թիվ 8180059325 որոշումները՝

Պ Ա Ր Զ Ե Ց Ի

2022 թվականի հունվարի 18-ին ստացվել է ՀՀ ոստիկանության պարեկային ծառայության Երևան քաղաքի գնդի 2-րդ գումարտակի հրամանատար, ոստիկանության փոխգնդապետ Լ. Բադալյանի զեկուցագիրն այն մասին, որ ՀՀ ոստիկանության պարեկային ծառայության Երևան քաղաքի գնդի 2-րդ գումարտակի 2-րդ վաշտի պարեկ Ռոման Զիլինգարյանը 2021 թվականի նոյեմբերի 30-ին՝ ժամը 23:26-ին, Երևան քաղաքի Ազատության պողոտայում կանգնեցրել է Լևոն Ժորայի Սրապյանի վարած <<Լենդ Ռովեր>> մակնիշի 18 GG 888 h/h-ի տրանսպորտային միջոցը և վարորդի կողմից իր մոտ տրանսպորտային միջոցներ վարելու իրավունքի վկայական չունենալու համար <<Վարչական իրավախախտումների վերաբերյալ>> ՀՀ օրենսգրքի (Այսուհետ՝ ՎԻՎՕ) 128-րդ հոդվածի 1-ին մասի հատկանիշներով կազմել է վարչական իրավախախտման վերաբերյալ արձանագրություն և կայացրել թիվ 8180059325 որոշումը՝ վարորդին տուգանելով 25,000 ՀՀ դրամ գումարի չափով, այնինչ, պետք է առաջնորդվել նույն հոդվածի 3-րդ մասով :

Նույն օրը քաղաքացի Արսեն Ժորայի Սրապյանի նկատմամբ կազմել է վարչական իրավախախտման վերաբերյալ արձանագրություն՝ ՎԻՎՕ 128-րդ հոդվածի 5-րդ մասի հատկանիշներով՝ տրանսպորտային միջոցը վարորդական իրավունքի վկայական չունեցող անձին հանձնելու համար և կայացրել թիվ 8180059330 որոշումը:

Սակայն քաղաքացի Լևոն Ժորայի Սրապյանը հաջորդ օրը ներկայացրել է ՌԴ գործող վարորդական իրավունքի վկայական:

Զեկուցագրում նշված հանգամանքները հաստատվել են նաև կից ներկայացված վարչական իրավախախտման վերաբերյալ արձանագրությունների, թիվ 8180059330 և թիվ 8180059325 որոշումների, Լևոն Ժորայի Սրապյանի վարորդական իրավունքի վկայականի պատճենների ուսումնասիրությամբ:

<<Ճանապարհային երթևեկության անվտանգության ապահովման մասին>> ՀՀ օրենքի (այսուհետ՝ ՃԵԱԱՄՕ) 18-րդ հոդվածի 1-ին մասի <<գ>> կետը, որը դրված է թիվ 8180059325 որոշման հիմքում, սահմանում է, որ տրանսպորտային միջոցի երթևեկությունն արգելվում է, եթե վարորդը տրանսպորտային միջոցը վարում է առանց տվյալ կարգի տրանսպորտային միջոց վարելու իրավունքի, իսկ նույն հոդվածի <<դ>> կետը սահմանում է, որ տրանսպորտային միջոցի երթևեկությունն արգելվում է, եթե վարորդը տրանսպորտային միջոցը վարում է՝ իր մոտ չունենալով վարորդական իրավունքի վկայական, հետևաբար թիվ

8180059325 որոշման հիմքում պետք է դրվեր ՃԵԱԱՄՕ 18-րդ հոդվածի 1-ին մասի <<դ>> կետը:

Վերոգրյալից հետևում է, որ թիվ 8180059330 որոշումը նույնպես կայացվել է անհիմն, քանի որ քաղաքացի Լևոն Ժորայի Սրապյանը ունեցել է վարորդական իրավունքի վկայական:

Այսպիսով քաղաքացի Արսեն Ժորայի Սրապյանի արարքում առկա չէ ՎԻՎՕ 128-րդ հոդվածի 5-րդ մասով նախատեսված իրավախախտման հատկանիշներ:

Քաղաքացի Լևոն Ժորայի Սրապյանի արարքում նույնպես առկա չէ ՎԻՎՕ 128-րդ հոդվածի 1-ին մասով նախատեսված իրավախախտման հատկանիշներ, սակայն առկա է նույն հոդվածի 4-րդ մասով նախատեսված իրավախախտման հատկանիշներ, այն է՝ ուժը կորցրած վարորդական վկայականով կամ ուժը կորցրած այլ փաստաթղթերով տրանսպորտային միջոցներ վարելը, **Հայաստանի Հանրապետության քաղաքացու կողմից այլ երկրի վարորդական վկայականով տրանսպորտային միջոց վարելը**, ինչպես նաև օտարերկրացու կողմից Հայաստանի Հանրապետությունում չգործող (ՄԱԿ-ի 1968 թվականի «Ճանապարհային երթևեկության մասին» կոնվենցիայի պահանջները չբավարարող) վարորդական վկայականով տրանսպորտային միջոց վարելը՝ առաջացնում են տուգանքի նշանակում՝ սահմանված նվազագույն աշխատավարձի տասնապատիկի չափով: Քանի որ ՎԻՎՕ 37-րդ հոդվածը սահմանում է, որ վարչական տույժը կարող է նշանակվել իրավախախտումը կատարվելու օրվանից ոչ ուշ, քան երկու ամսվա ընթացքում, ապա սույն պարագայում գործը նոր քննության ուղարկելու հիմքեր առկա չեն:

ՎԻՎՕ 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե բացակայում է իրավախախտման դեպքը կամ կազմը:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտեր, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտեր:

Տվյալ պարագայում ՀՀ ոստիկանության պարեկային ծառայության Երևան քաղաքի գնդի 2-րդ գումարտակի 2-րդ վաշտի ավագ պարեկ Ռոման Չիլինգարյանը 30.11.2021թ.-ի թիվ 8180059330 և թիվ 8180059325 որոշումներն ընդունել է օրենքի սխալ կիրառմամբ, այսինքն՝ ընդունել է ոչ իրավաչափ վարչական ակտեր, որոնք վերոնշված հիմքերով ենթակա են անվավեր ճանաչման և բեկանման:

Ելնելով վերոգրյալից և ղեկավարվելով **<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝**

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 30.11.2021թ. կայացված թիվ 8180059330 և 8180059325 որոշումները ճանաչել անվավեր:
2. Որոշման պատճենը երեք աշխատանքային օրվա ընթացքում հանձնել Լևոն Ժորայի Սրապյանին, Արսեն Ժորայի Սրապյանին, ՀՀ ոստիկանության պարեկային ծառայության Երևան քաղաքի գունդ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետ, ոստիկանության գնդապետ՝



Ա. ՈՒՄՐՇԱՏՅԱՆ